

藏書 153

72424

1-5

40150.95

42

515

南樂縣志
李熾珊題



非 離 離 非

河 北 省 長 吳 贊 周 肖 像



冀南道道尹薛興甫



南樂縣知事沙麓李鐵珊



重修南樂縣志序

邑乘之作所以志風土記人事也一邑之地代有變遷名稱不一故疆域之沿革每難詳考而其最難者則為人物一門採訪必實登錄必謹不濫不偏始足以示來茲而資懲勸苟非有碩學卓識擅著作才者未易扛其筆也南樂古為衛地漢名樂昌晉改昌樂隋則并入繁水歷代以來土壤之廣狹不同城署之遷移不定五代

之唐因諱昌字始沒今治以在舊治之南故又名南樂然其詳已不可得聞矣其志書創自有明清康熙中以撰畿輔通志增修一次歷百餘年及光緒辛丑壬寅間滇南施有方大令宰是邑復重修之民國而後前政府令各縣具備志料亦以欲纂通志也而事變迭興旋亦中輟焉茲該縣知事李鐵珊就地籌款於此萑苻未靖之秋延聘耆俊督同續修未逾數月而呈報竣

事並句序於余余雖尚未覩是書果足以示來
茲資懲勸否也而該知事關心地方汲汲焉以
保存文獻為務則殊堪嘉許矣又縣志者一邑
之史也圖表志傳全體備焉故修之者每開局
編纂動逾歲月為費不貲然年久不修則採輯
為難遺漏必多是書之成無論其能精賅與否
而為時無幾開支不鉅亦足以紹已往而啓將
來也豈非官斯土者之一成績歟

辛巳仲冬河北省長吳贊周序於保陽

南樂縣志序

邑之有志猶國之有史也國有史而後一代之事不晦邑有志而後一方之風土山川今昔之建置沿革與夫土田肥瘠戶口之登耗人物文章之盛衰政治之良窳得失不致湮沒其關乎全邑之文献詎不重歟南樂地濱衛水東西與魯豫毗壤昔屬大名郡為冀南重地而邑尤當冀省南端之衝慨自丁丑七七蘆溝變起國體

南樂縣志

序

一

更新各地萑苻伺機逞擾生靈塗炭紊亂異常關於邑志多屬蕩然而攸久之文献遂致佚散無存曷勝浩歎興甫於庚辰七月奉命來撫茲土承友邦之支援各縣之努力恢復地方治安解除人民痛苦權情度勢循序復興年餘以來舉凡一切庶政均獲相當進展而各地明朗已日漸呈現矣惟是各縣縣志多付闕如幾無一完整書焉於是迭經飭催組設修志局延聘耆

宿重新編輯以維故有之文獻蓋欲以信今傳後烏可不力加審慎哉昔人有云史不可數百年一修志不可數十年不再修然則設局之纂修其所繫顧不重乎至若財用所關民生所繫尤當斤斤詳求務期政以舉其體要事以取其翔實以垂永久藉備稽攷是邑自經李知事之努力設局纂編凡數閱月始克蕝事以成整帙而文獻之遞嬗幸得有此詳細之記載焉爰誌

數言以諗東者後之博雅君子繼續增纂以補不足是尤興甫之所屬望也是為序

民國三十一年元月 冀南道道尹薛興甫

重修南樂縣志序

南樂縣志自鄉進士武常卿先生重訂後迄今四十餘年末之或修蓋以民國肇造變亂頻仍宰斯土者每苦於公事鞅掌無暇及此而里中宿儒復凋零殆盡其能博識強記欲求如常卿先生其人者亦邈乎不可復得此所以近代邑乘未獲賡續而完成之也辛巳春余蒞南樂權知縣事下車未幾地方粗定即招集紳耆倡議

重修縣志繼往開來永垂信史爰於國曆八月上浣創設修志局延聘士紳經始纂輯而條例規定一本武先生成法幸賴諸君子孜孜斯役勤求博采鉛槧弗輟歷時三月始行脫稿不日印製成帙余得樂觀厥成私心可無憾矣回憶蘆溝事變以還盜匪蠡起南樂蕞爾一邑迭被淪陷焚掠屠殺不堪盡言余武人也戎馬半生志在除暴而安良目覩斯慘寧能袖手因率閭

里健兒崛起奮鬥幾經艱險始將縣城克復今則地方安謐流亡歸來嗣後縣政推行百端待理所恃以教養生息者勢必溫故知新俾作興革之鑑顧此次浩劫甚於秦火舊有縣志焚燬靡遺文獻無徵何以施治竊嘗考之南樂古衛地素稱多君子讀綠竹切磋之章則當日文風之盛概可想見且地瀕齊魯又為聖賢車馬之所常經以故居是鄉者士習禮義而知詩書余

於聽政之暇或公事相會詢及本縣掌故時邑紳長者猶能歷舉以對然不垂之簡篇以昭來茲則昇祺而後滄桑多變必致湮沒而不可考是則縣治之修誠為當今急務而不容再事緩圖者也是為序

中華民國三十年九月署理南樂縣知事沙麓
李鐵珊序

續修南樂縣志序

邑之有志所以記往事垂來茲俾官是邑者一
寓目焉如指其掌庶率由而無過也南樂古名
勝地介魯豫間控扼中原襟喉南北縣故有志
失修者數十載其間人事之變遷物類之消長
政體之改革歲異而月不同况頻年屢經兵燹
文獻蕩然無存若不及時採輯誌而存之則事
與時移耳目所不及接必將茫然莫可稽考潛

德無復發之光勝事有不傳之憾泯焉何可勝
慨辛巳春邑侯李公鐵珊蒞任茲土下車未幾
慨然以志乘續修為不可緩銳意纂修延聘名
宿郭君保昌蘇君湘南開局專司其事洵盛舉
也適余致仕訪友來茲朝夕過從因以鑒定之
責相諉誣由是蒐羅佚蹟摭收異聞取舊志而
增損之閱三月而告厥成凡事之應傳者咸備
具焉於是南樂志乘絕而復續比脫稿來徵余

序言余披而讀之知志與政相關考輿圖而經緯詳譜職官而政教明紀人物而表式彰錄藝文而典章著其綜核古人闡揚光大叙傳論贊燦然有倫簡而盡詳而要質而不俚文而不浮期適於時不戾於古以合行政之宜誠南樂斯文一快事也侯視篆數月值此大亂之後革舊維新百廢俱興其政在地方其感在民生善之所及非一言能罄固不特修志一端也余以淺

學薄識濫與茲役令余微名得附驥而垂不朽有厚幸焉爰誌其顛末若此

中華民國三十年辛巳中秋古瀛吳友仁序

續修南樂縣志序

縣志自先正武公重修以來僅四十年耳而形
形色色今昔殊觀由城池署廨各校各局以至
商肆民房拆者拆矣焚者焚矣千餘年之締造
經營一掃而空矣檔破案銷文無可查之卷風
微人往士無可詢之紳以言修志豈不甚難然
失今不為恐數十年後難且倍於今矣且聞舊
志藏板已被燬滅其存留鄉區者經此兵燹當

亦寥若晨星矣不急補救何以使先正著作克
廣其傳乎辛巳年夏邑侯李公蒞任慨然以振
興南樂為己責囑以協同蘇君續修縣志事在
必為義不容辭聞知在署盧吳兩公學問優美
請益後爰與蘇君商酌並徵集同人之意見不
另起爐竈不大事鋪張舊志凡例二十四仍之
舊志總目十有五仍之舊志所有一切照錄增
補刪改十纔一二然亦胥本舊志之意義而非

以己見軒輊于其間也至舊志以後姑就諮訪
所得依類綴續以盡余心以塞余責以慰邑侯
見囑之熱誠以備後人之採擇耳目有限遺漏
實多補缺拾遺是所賴于繼起者
中華民國三十年九月郭保昌序

重修南樂縣志姓氏

總裁

南樂縣知事 李鐵珊

鑒定

薦任職任用瀛州 吳友仁

南樂縣公署秘書廣晉 盧相之

總纂兼局長

廩膳生 郭保昌

編修

文生 蘇湘南

文生 王翼卿

理事

文生 魏印三

南樂縣志

姓氏

一

膳錄

宋仲華

採訪

鄉長 趙振武

師範畢業 王振易

文生 赫耀堂

區長 李旭亭

光緒志陸序

壬寅冬余奉檄權知是邑時方為學校司督辦胡直生廉訪治文書瀕行廉訪語余曰邑有武同年常卿者篤雅君子也學博而粹品廉而正晚年辭京曹官為鄉祭酒主樂昌書院講席邑有大事可往咨之余謹識弗忘比下車則以簿書鞅掌故未遑就教也今年正月開讌邀先生擬商辦學堂及地方一切要公先生即以是日

歸道山竟不獲一親言論丰采悼歎久之夏徐生樂善出先生新修縣志橐乞余一言余既憾不及見先生之音塵而猶幸能讀先生之著作也先生以經師負宿望尤邃掌故學所謂知古之要知今之宜者於斯志見之矣南樂縣志經始於明嘉靖慈谿葉侯踵事於邗江楊平坡東萊錢博學吳門蔡瓊枝諸君康熙間琅琊王侯復增修之自時厥後述者無聞數百年間風俗